

## Ortografia

### Ciculu 2 (CP-CE1)

**Ogettivi :** Piglià cuscenza di u singulare è di u plurale di certi nomi : a---e u---i

**Materiale :** - Seconda fiura di u racontu (A3)  
- Fiure chjuche di i nomi scelti (fisce materiale ortografia)  
- 2 scatule  
- 1 tavulone

#### **Sbucinera:**

- Ripiglià e dumande nant' à e fiure pè verificà u lessicu acquistatu (da vede fiscia nant' à a capiscera di u racontu).

- Distribuisce e fiure cù i disegni è i nomi sottu (a muntagna , e muntagne, l' arburu ,l' arburi, u fungu , i funghi, l omu , l' omi, a strada, e strade, a sporta, e sporte, a fronda, e fronde, a furesta, e fureste, a baretta, e barette, a vesta, e veste, u scarpu, i scarpi, a pianta, e piante) . Ogni zitellu riceve una fiura mentre ch' u maestru tene ellu duie fiure : u fungu , i funghi.

- A maestra cumencia , face vede à so prima fiura è dice :

« Eiu , aghju a fiura di « u fungu » . A mettu quì (incolla a fiura nant' à una scatula) .

Aghju dinù a fiura di « i funghi » . A mettu quì ( incolla a fiura nant' à l' altra scatula) . »

- S' i dumanda à ogni zitellu di mette à so fiura nentru à a scatula ch' cunvene.

Quandu tutti l' anu messa , si verificheghje a scelta. A maestra mette e fiure di a scatula 1 (singulare) nant' à u tavulone è dumande à i zitelli di fà dui gruppi : una cantara per u « U » è sottu una cantara per u « A » . A maestra face à listessa cosa per a seconda scatula (plurale) cù e cantare « I » è « e ».

U        I

A        E

A maestra face mette di fronte e fiure ch' vanu insieme è face piglià cuscenza di e finale di i nomi .

- Travagliu individuale :  
( *Da vede a fiscia di u scularu* )